

## NA SASTAVU ISTOKA I ZAPADA

Bosna i Hercegovina zapremaju južni dio Jugoslavije. Odlikuju se obiljem ruda, šuma i vodenih snaga, pa ih u privrednom životu Jugoslavije čeka zacijelo uloga. Prije nekoliko decenija bijahu ove dvije pokrajine veoma malo poznate turističkom svijetu i tek 1878 godine, okupacijom Bosne i Hercegovine od strane Austrougarske, postale su pristupačne turistima. S vremenom se razvio i kod samog naroda u Bosni i Hercegovini smisao za velike prednosti, koje mu donosi promet stranaca, pa je postupno učinjeno mnogo da se putnicima pruži sav potreban komfor. Osobito se u tom pravcu mnogo učinilo otkako se Bosna i Hercegovina poslije svjetskog rata sjedinila s Jugoslavijom, te je danas putniku moguće da u ovim zemljama nađe svu onu udobnost, koju mu pružaju savremene ustanove u Evropi.

Prirodne ljepote krajeva očaravaju svakoga posjetnika Bosne i Hercegovine. Tu se na očigledan način sastaju Istok i Zapad, te su Bosna i Hercegovina originalnim istočnjačkim krajovcima, mošejama i minaretima, muslimanskim grobljima i starinskim nadgrobniim spomenicima, te slikovitim narodnim tipovima i nošnjama najzanimljivije zemlje u Evropi. Leže sasvim na jugu, sučelice južnijim dijelovima Italije, a isprepletene su visokim gorama, koje se u blizini mora, nad samim uskim rubom dalmatinske obale, visoko penju, te tako u Bosni i Hercegovini na svakom koraku nailazimo u raznim krajevima i najraznovrsnije podneblje, od južnog, mediteranskog pa sve do alpskog podneblja. A kroz sve to provejava mistični čar Ori-jenta.



*Bosna - Bosnie - Bosnien*

*Muslimanke*

*Musulmanes*

*Mosleminnen*